

Comente s'iscriet su sardu? (11)

S'impreu de sa *h*

Sa litera *h* est impreada paris cun sas literas *c* e *g*, a in antis de sas vocales *e* ei: *che, chi, ghe, ghi*.

Es.: *chimbe, banchitu, chèrrere, chelu, ghia, àghina, ghetare, bragheri*.

Su verbu sardu *àere* (it. *avere*) non tenet bisòngiu de èssere iscritu cun sa *h* ca non serbit sa distintzione cun àteros faeddos comente in italianu (*a*, preposizione – *ha*, presente indicativu 3^a persone singulare.; *anno*, tempus de dòighi meses – *hanno*, presente indicativu 3^a persone plurale).

A sa sola est impreada comente simbulu de tempus, pro indicare sas oras e sos ètaros.

Sèbera sa forma giusta :

At semenadu duos ètaros a trigu.

Hat semenadu duos ètaros a trigu.

Est torradu ha domo.

Est torradu a domo.

Hat comporadu cosa meda.

At comporadu cosa meda.

Hant cambiadu s'oràriu: como est 8,00-15,00.

Ant cambiadu s'oràriu: como est 8,00-15,00.

Est andadu ha sa sola.

Est andadu a sa sola.

Apo iscritu unu billete.

Hapo iscritu unu billete.

A pustis hat cumprèndidu.

Ha pustis at cumprèndidu.

Amus iscritu a s'iscola.

Hamus iscritu a s'iscola.

Ant istentadu chimbe oras.

Ant istentadu chimbe oras

Has faeddadu bene.

Has faeddadu bene.

(MM)